
William Marrion Branham

Murhumiya

Kambe emasikwini ya rito ra ntsumi ya vunkombo...

Nhla 10:7

TINHLOKO-MHAKA

1

MUPROFETA?

5

XITSHEMBHISO XA MUPROFETA
EMASIKWINI YA MAKUMU

9

MASUNGULO

12

EMALEMBENI LOKO A HA RI
LONTSONGO

24

LANGAVI RA NDZILO

30

SWIHUNDLA SWI PALUXIWA

34

MINKONGOMISO

Voice Of God Recordings, Inc. i ministri wa nhlanganyelo wa tidinominexini lowu wu nga tinyiketela ku yisa emahlweni Evhangeli ya Hosi Yesu Kreste. I Xikhongelo xa hina leswaku xibukwanyana lexi xi tava minkateko eka wena ni kuva xithhela xi ku nyika ku twisia ko antswa eka awara leyi yi nga famba leyi hi hanyaka eka yona.

MUPROFETA?

ABibeleni, minkarhi hinkwayo Xikwembu xi tisa Hungu ra Xona evanhwini va misava hi muprofeta wa nguva yaleyo. Xi vulavurile na Muxe xi ri eka xihlahla lexi xi pfurhaka kutani xi n'wi nyika xileriso xo rhangela Vaheveru leswaku va huma a Egipta. Langavi ra Ndzilo leri a ri vonakala na masingita man'wana a swi nyikeriwela ku ta tiyisisa ministri wa yena. Yohana Mukhuvuri u tisile Hungu leri a ri lulamisela misava hi Mesiya loyi a ri ekuteni. Loko a ha khuvula Hosi Yesu eNambyeni wa Yordan, Rito leri a ri huma eTilweni ri tiyisisile xileriso xa Yohana leswaku a tivisa Xinyimpfana xa Xikwembu, "Loyi i N'wananga loyi ndzi n'wi rhandzaka, Ndzi tsakelaka ku tshama eka yena." Endzhaku ka malembe, Rito ra Hosi nakambe ri twiwile ri ri karhi ri vulavula na muprofeta loko Yi ta vulavula na Paul hi Rihat i leri a ri pfala mahlo ya va bofu, kutani endzhaku ka swona ri n'wi nyikile xileriso xa ku tshamisisa tikereke hi ndlela leyinene. Eka Titestamente Leyintswa na ya Khale, Xikwembu a xi kalanga xi vulavula na vanhu va Xona hi mafambiselo ya xidinominexini kumbe hi nhlangano wa vukhongeri. Minkarhi hinkwayo Xi vulavurile na vanhu hi ku tirhisa munhu a ri unwe: A nga muprofeta wa Xona. Nakona Xi tiyisisa vaprofeta lava hi masingita lawa ya nga ehandle ka ntumbuluko.

Kambe namuntlha ke? Xana Xikwembu xa ha paluxa Rito ra Xona hi vaprofeta xana? Xana ya hari kona masingita lawa ya nga ehandle ka ntumbuluko xana? Xana Xikwembu xi nga ha rhumela muprofeta wa siku leri ra ximanguva lawa eka misava xana? Nhlamulo hi leyi yi twisisekaka swinene ku ri,

"Ina!"

Kambe hi ta switiva njhani loko muprofeta a va kona?

Xana u ta langutekisa ku yini? U tava na maendlelo wahi? Xana hi rihi singita leri a nga ta hi komba rona xana? U tava a hetisia Matsalwa wahi?

Vaprofeta va khale a vari vanhu va kahle va Xikwembu, nakona a va nga chavi ku yima va lwisana na minhlangano ya vukhongeri. Kahle-kahle, minkarhi hinkwayo hakanyingi a va rhuketeriwa hi vafundhisi. Eliya u tlhotlhile minhlangano ya vukhongeri ya siku ra yena, a ri karhi a va vutisa loko Xikwembu xi nga xixima magandzelo ya vona, kumbe ra yena. Va huwelerile. Va profetile. Va tlulerile ehenhla ka altari. Va ti xekelerile na hi minkwana. Kambe Xikwembu a xi va yingisanga. Eliya a languta ehenhla eTilweni kutani a ku, "A swi tiveki namuntlha leswaku wena u Xikwembu a Israel, nakona mina ndzi nandza wa wena, nakona ndzi endlile swilo leswi hinkwaswo hi rito ra wena." Hiloko a vitana ndzilo wu xika kusuka eTilweni ku ta herisa gandzelo. Mikiya wa muprofeta u alerile Hosi ya Israel, na vaprista lava a vari kona hinkarhi walowo, loko a ta tshinya Muprista Lonkulu Zedekiya hikuva a profeta vunwa. Muprista Lonkulu u nwi makarile exikandzeni kutani Hosi yi nwi hoxa ekhotsweni hikuva a vulavurile ntiyiso. Ambi kuri Hosi Yesu u vengiwile hi minhlangano ya vukhongeri ya siku ra Yena laha yi nga N'wi vamba etlhelo ka tinsula voya to biha. Loko hi leswaku matimu ya khome ntiyiso, muprofeta u ta vengiwa hi mafambiselo ya ximanguva lawa ya xidinominexini, nakona u ta tsariwa leswaku hi yena loyi a nga fambiki hi vukhongeri bya vona, muprofeta wa vunwa, kumbe wo nyanya. Kambe Xikwembu xi ta tiseketela hi nandza wa Xona.

Loko kuruku hi leswaku muprofeta a ri kona eka siku leri ra ximanguva lawa, a ta amukeriwa njhani hi Kereke ya Khatholiki xana? Kereke ya Baptist yona ke? Kereke ya Lutheran yona ke? Kumbe dinominexini yihi kumbe yihi xana?

Hosi Yesu u lerisile hinkwavo lava a va N'wi pfumela leswaku: "*Masingita lawa ya ta landzela vona lava va*

pfumelaka; Hi vito ra mina va ta hlongola madimona; va ta vulavula hi tindzimi letintshwa; Va ta khoma tinyoka; ni loko va nga nwa leswi swi dlayaka, swi ngaka swi ngava vavisi; va ta tlhandleka mavoko eka lava va vabyaka, kutani va ta hola." (Marka 16:17-18). Xana Matsalwa lawa ya ntiyiso namuntlha xana? Loko ya ngari ntiyiso, xana Marito ya Hosi ya hundzeriwe rini xana? Eka Bibele hinkwayo, vaprofeta a va swikota ku hanyisa vavabyi, va hlongola na madimona, na ku endla mahlori. Muxe u vekile nyoka ya brasi emahlweni ka vanhu va Israel leswaku va hanyisiwa eka ku lumiwa hi tinyoka ta vuxungu swinene (Tinhlayo 21:9). Naman, Musiriya wa matimba swinene, u tile eka Elixa leswaku a ta hanyisiwa eka nhlokonho (II Tihosi 5:9). Loko jaha ri tawa kusuka eka festere ra le henbla ri fa, muapostola Paul a n'wi tlakula kutani a vuyisela vutomi eka mirhi lowu wu nga fa wa yena (Mintirho 20:10). Ntsena ho va na rhikhodo ya kwalomu ka 3½ wa malembe ya vutomi bya Hosi ya hina Yesu, kambe emalembeni ya lawa yantsongo, U yile emahlweni na ku horisa vavabyi. Mabofu ya endliwe leswaku ya vona. Vanhlokonho va hanyisiwile. Lava va nga tweku va endliwe leswaku va twa. Swilema swa famba. Maendlelo wahi kumbe wahi ya mavabyi ya tshunguriwile (Matewu 4:23).

Nakambe Xikwembu xi tiyisisa vaprofeta va xona hi tindlela tin'wana handle ka ku hanyisa. Hambi kuri swihundla swo hlaya leswi swi nga tumbetiwa atimbilwini a swi tivisiwa eka vavanuna lava va Xikwembu. Hosi Nebukadneza u vile na norho lowu a wu n'wi karhata, kambe a nga ha wu tsundzuki leswaku a wu tshamise ku yini. Muprofeta Daniel u byerile hosi havumbirhi norho na vuprofeta lebyi a byi landzela norho (Dan 2:28). A kuri hava leswi a swi fihleriwele Solomon loko Hosikazi ya Sheba a tata emahlweni ka yena. A tatiwe hi Moya lowu a nga n'wi byela swivutiso swa mbilu ya yena *ange* se va vutisa (I Tihosi 10:3). Elixa u byerile Hosi ya Israel makungu hinkwawo ya Hosi ya Siriya, hambi kuri marito lawa a nga ya vulavula a tumberile eka kamara leri a etlela kona (II Tihosi 6:12).

Hi maendlelo hinkwawo lawa ya nga ya Yena, Hosi Yesu minkarhi hinkwayo u kombisa leswaku Moya lowu wa ku tiva swihundla i Moya wa Kreste. U tivile swihundla swa ntumbuluko wa Nathanael loko Yena a te, “Vonani Muisrael wa ntiyiso, loyi eka yena a ngariki na xisandzu!” Nakona Yesu u yile emahlweni a byela Nathanael laha a ri kona loko Filipi a ta n’wi byela hi Mesiya (Yohana 1:48). Loko Nathanael a tava a swi vonile leswaku Yesu u tive mbilu ya yena, xikan’we-kan’we u N’wi lemukile tani hikuva a ri Kreste. Loko Yesu a ta vona Petro ro sungula, U n’wi byerile vito ra tata wa yena, Yonas (Yohana 1:42). Hiloko Petro a tshika hinkwaswo kutani a landzela Yesu vutomi bya yena hinkwabyo. Yesu u hlanganile na wansati wa Musamariya exihlobenyi kutani a n’wi byela hi swidyoho swa yena leswi nga hundza. Marito ya wansati yo sungula hi lawa, “Nkulukumba, ndza swi twisia leswaku wena u muprofeta” (Yohana 4:19). Havunharhu bya vanhu lava a va huma eka mafambelo lawa ya nga hambanana, hambi leswi va nga kota ku lemuka Yesu loko A ta kombisa nyiko ya ku vona swihundla.

Xana nyiko leyi yi nga hava yi nyamalarile loko tluka ro hetelela ra Bibele ri tava ri tsariwile xana? Loko mahlori lawa ya tava ya tsariwile ya va erivaleni a Bibeleni, xana ya kwihinamuntlha? Muprofeta wa siku leri ra ximanguvalawa hakunene-nene u ta tiyisisiwa hi mahlori.

Xana Xikwembu xi ngava xi va rivarile vanhu va Xona xana? Xana Xa ha swikota ku hanyisa vavabyi xana? Xana Xa ha vulavula na hina hi vaprofeta va Xona xana? Xana kungava kuri na un’wana wa vaprofeta angari vona siku leri ri nga se fika xana?

**Xana kunga hava kuri na vuprofeta
lebyi byo ka byi nga se hetiseka xana?**

XITSHEMBHISO XA MUPROFETA EMASIKWINI YA MAKUMU

Wona marito yo hetelela lawa ya nga tsariwa eka Testamente ya Khale ya hi nyika xitshembhiso lexi xa leswaku: “**Vonani, Ndzi ta mi rhumela muprofeta Eliya ku nga se fika siku lerikulu leri ri taka nakona siku leri ri chavisaka swinene ra HOSI: Kutani u ta tlherisela timbilu ta vatatana eka vana, na timbilu ta vana eka vatatana va vona, leswaku Ndzi nga tshuki ndzi ba tiko hi ku ri lovisa.**” (Mala 4:5-6)

Siku lerikulu leri ri chavisaka swinene ra Hosi ra hari ekuteni, swingaleswi hi fanele hi langutela muprofeta Eliya hi ku tshembheka. A Bibeleni, vaprofeta a va ti eka xinkombyana lexikulu xa mavandla ya vukhongeri. Va ta eka lava ntsongo lava va nga hlawuriwa. Mi nga ha swi anakanya loko muprofeta Malakiya 4 a tava a tile, nakona u hupiwile. A ku ta humeleta yini loko a kotisile vaprofeta va khale, nakona kuri vanhu lava va tataka xandla ntseña lava a va n’wi tiva? Loko hi leswaku muprofeta loyi a fanele hi ku tlhela a vuya nakambe hi masiku ya makumu, xana hi ta n’wi tiva njhani? Nhlamulo ya vonaka yi ri erivaleni eka Matsalwa. U tava a ri na ntumbuluko wa muprofeta. U ta tiva swihundla swa timbilu. U ta endla mahlori. Minhlangano ya vukhongeri yi ta sungula kuva yi nga n’wi amukeri. Kambe ku tava na lavantsongo lava va nga ta n’wi tiva tani hi murhumiwa loyi a nga tshembhisiwa wa siku.

Xana hi ta switiva njhani loko Eliya a vuya? Hi swihi swihlawulekiso leswi swi nga ta vonakala leswaku hi kota ku n’wi tiva?

Eliya a ri munhu wa mananga. Masingita lamakulu na swihlamariso a swi landzelela ministry wa yena. U chumayerile a lwsana na leswo biha swa siku ra yena.

Ngopfu-ngopfu u chumayerile a lwisana na vugangu bya Hosikazi Yezebel. Loko Eliya a tava a tekeriwele ehenhla eTilweni hi golonyi ya ndzilo, moya wa yena wu wele ehenhleni ka Elixia. Masingita lamakulu na swihlamariso swi fungha ministri wa Elixia, na yena u chumayerile a lwisana na vudyoho bya misava. Havumbirhi bya vapropfeta lava va yimile va ri voxe va lwisana na vukhongeri bya minhlangano ya siku lero. Endzhaku ka mandzana ya malembe, moya wona waluwa wu tlhele wu vuya emisaveni eka Yohana Mukhuvuri. Muprofeta Malakiya u bvumbhile leswaku Eliya u ta tlhela a vuya a ta tivisa Hosi: “*Vonani, Ndzi ta rhumela murhumiwa wa mina, kutani u ta lulamisa ndlela ya mina loko ndzi...*” (Malakiya 3:1). Yohana Mukhuvuri a ri na ntiyiso wo vumba tani hiloko a ha vitana ku hundzuka exikarhi ka vana va Xikwembu. Tani hi Eliya, u chumayerile a lwisana na hosi na minhlangano ya vukhongeri ya ximanguva ya lawa. Hosi Yesu u tiyisisile leswaku Yohana Mukhuvuri a ri yena muprofeta wa Malakiya 3 eka Buku ya Matewu (11:10): “*Hikuva ku tsariwe ta yena loko va te, Maswivo, Ndzi rhume mahlweni ka wena entsumi ya mina, yi ku lunghisela ndlela emahlweni ka wena.*” Luke 1:17 yi vula leswaku moya wa Eliya (Elias) a wu fanele kuva eka Yohana Mukhuvuri, “*Kutani u ta n'wi rhangela emahlweni hi moya na matimba ya Eliya, u ta vuyisela timbilu ta vatatana eka vana va vona.*” Kambe lemukani leswaku xiyenge xa vumbirhi ya Malakiya 4 xa ha fanele hi ku hetiseka: “...*na timbilu ta vana eka vatata wa vona, leswaku Ndzi nga tshuki ndzi ta kutani ndzi ba misava hi ku yi lovisa.*” Xiphemu xexo xa Matsalwa xi ta humelela ku nga se fika ku Vuya ra Vumbirhi ka Kreste.

Magidi mambirhi wa malembe endzhaku ka Yohana Mukhuvuri, nakambe i nkarhi wa moya wa Eliya kuva wu tlhela wu vuya emisaveni.

Siku lero ri fikile! Eka nguva leyi, hi wu vonile moya wa Eliya loko wu vuya. U nyamisile mafambiselo ya ximanguva ya lawa ya xidinominexini. U yimile a lwisana na vudyoho bya misava. U kombisile masingita na swihlamariso leswi swi nga hlayekiki. U chumayerile Bibele rito hi rito kusukela eka

Geneza kuya eka Nhlavutelo. Muprefeta wa Malakiya 4 u tile tani hilaha swi tshembhisiweke, nakona u tisile Hungu leri ri humaka eXiluvelweni xa Xikwembu xa Matimba hinkwawo. Muprefeta yaloye i **William Marrion Branham**. Hi n'wi vitana leswaku hi yena “Makwerhu Branham.”

“William Branham, loyi ndzi rhandzaka ni ku pfumela leswaku hi yena muprefeta wa Xikwembu.” Oral Roberts, loyi a tivekaka misava hinkwayo muevhangeli na musunguli wa Oral Roberts University.

“William Branham u tile eka ndlela ya hina hi muprefeta wa Xikwembu loyi a nga hi komba eka makume-mbirhi xidzana kahle-kahle swo fana leswi hi nga kombisiwa swona eka Tievhangeli...Xikwembu xi endzerile vanhu va Xona, hikuva muprefeta lonkulu u pfukile exikarhini ka hina.” Dr. T.L. Osborn, muevhangeli wa Pentekostal na mutsari loyi a hetisekeke.

“A nga se khongelela vanhu, a ta nyika vuxoko-xoko lebyi nga hetiseka kuya hi mavabyi ya munhu, nakambe a tlhela a nyika vuxoko-xoko bya vutomi bya vona - tindhawu leti vatshamaka eka tono, switirhisiwa, swendlo - hambi kuri ku tlhelela endzhaku eka vuhlangi. Branham a nga kalanga a endla xihoxo hi rito ra vutivi eka malembe hinkwawo lawa a ndzi ri na yena. Sweswo swa funengeta, eka bokisi ra mina, magidi ya swikombiso.” Ern Baxter, muevhangeli, mininjhore wa Branham Campaigns kuringana nkombo wa malembe, na kuva a ri un'wana wa varhangeri va British New Church Movement.

Kungari kusukela loko Hosi Yesu Kreste a tava a fambile emisaveni ku na munhu loyi a nga vangela misava hi ndlela ya vuenti. Kusukela eka masungulo lawa ya titsongahataka eka xikamarani xin'we xa mukhukhu a swigangeni swale Kentucky, kuya eAmarillo, Texas, laha Hosi yi nga n'wi tekela rona Kaya leri, vutomi bya yena byi le emahlweni byi funghiwile hi swendlo leswi swi nga ehandle ka ntumbuluko. Kuya hi ku kongomisiwa hi Ntsumi ya Hosi hi 1946, ministri wa Makwerhu Branham wu tswarile ku tlweba loku ku nga layita nkarhi wa ku hanyisiwa lokukulu ka mimpfuxelelo leyi yi nga kukula ku rhendzeleka hi Amerika na ku rhendzeleka hi misava. Namuntlha, wa ha tiviwa hi Vakreste va matimu tani hi “tatana” “mutisa kurhula” ka

mimpfuxelelo yo hanyisa ya vo 1950 leyi yi nga hundzula Kereke ya Pentekostal kutani xikan'we-kan'we a va a nyike matimba yo pfuxa mpfhumba ra Charismatic, laha namuntlha ri kucetelaka kwalomu ka Protestant ya dinominexini yin'wana na yin'wana. Hambi swiri tano, ntiyiso wa ku vumba, tidinominexini tihlayele madyondziselo ya yena lawa ya ngariki nchumu ni ku alana na xileriso xa yena.

Hinkwako laha a ya kona, Xikwembu a xi khorwisa leswaku Makwerhu Branham hi yena muprefeta wa rixaka rona leri. Kukotisa Yobo, Hosi yi vulavurile na yena yi ri endzeni ka xihuhuri. Kukotisa Muxe, Langavi ra Ndziro ri voniwile ri ri karhi ri n'wi rhangela. Kukotisa Mikiya, u rhuketeriwile hi vafundhisi. Kukotisa Eliya, a ri munhu wa le mananga. Kukotisa Yeremiya, u lerisiwile hi Ntsumi. Kukotisa Daniel, u vonile swivono swa leswi swa ha taka. Kukotisa Hosi Yesu, u tivile swihundla swa timbilu. Nakambe ku kotisa Paul, u hanyisile vavabyi.

Nakambe Hosi yi endzerile vanhu va Yona hi muprefeta. Hi nkarhi wa munyama eka matimu, laha vugangu byi nga nyupela hi ku enta leswi swo ka swi nga se tshamaka swi voniwa na swithavani leswi swi lovisaka ntshungu erivaleni ehenhla eka vugimamus, munhu wo titsongahata a rhumiwa kusuka evukoneni bya Xikwembu ku ta vitana rixaka leri ri faka leswaku ri hundzuka.

Mudyondzisiwa loyi a rhandzekaka Yohana u tsarile hi ta Hosi Yesu:

Ka hari na timhaka leto tala leti Yesu a nga ti endla, laha ku nga, loko hi leswaku a ti ta tsariwa hinkwato, a ndzi tshembhi leswaku misava hinkwayo yona yi nga ringana tibuku leti a ti ta tsariwa. Amen. (Yohana 21:25)

Swo fana swi nga ha vuriwa hi vutomi bya Makwerhu Branham. Kuna ku tlula 1,200 wa tithepi ta minchumayelo na magidi ya switorhi swa vutomi bya munhu loyi wa kahle. Hambi swi ri tano hi ya emahlweni niku yingisela vumbhoni bya nkucetelo wa yena eka vutomi bya mamiliyon i ya vanhu. Xibukwanyana lexi xi ngaka xi nga chukucheli ehenhla ka ku ba loku munhu loyi wa Xikwembu a ri na kona emisaveni.

MASUNGULO

“Loko ndzi tava ndzi tswariwile eka xikhukhwana xintsongo xa le Kentucky lahaya, Ntsumi ya Hosi yi tile efestereni yi fika yi yima kwalahaya. Akuri na Langavi ra Ndzilo.”

Ntsena vurhonga a byi sungula ku tlhava munyama wa xibakabaka xa ku hola ka Dzivamisoko. Leri ri nga rin’we, festere ra pulangi a ri tshama ri pfulekile leswaku ri kota ku pfumelela ku vonakala ka na mixo ku nghena eka xikamarana xin’we xa mukhukhu. Xinyenyana xa rhobin a xi yimile etlhelo ka festere swi tikomba tani hiloko xi ri na nyanyuko wa xipexali mixo lowu nakona a xi ri karhi xi yimbelela hi ku tlakuka lokukulu ka mahawu ya xona. Endzeni ka mukhukhu, Charles Branham wa muntshwa u tlhandlekile mavoko ya yena eka phere leyintshwa ya tiovharholo kutani a languta ehansi eka nsati wa yena wa malembe ya 15 hi vukhale. “Hi ta n’wi thya vito ra William,” kuvula tatana.

Efestereni ku tile Layiti leyi yi ngariki ya ntumbuluko. Layiti yi nghena yi famba-famba ekamareni yi fika yi rhendzela mubedwa laha n’wana a ha ku tswariwa kona. Layiti leyi ya hari yona leyi yi nga humesa vana va Vaheveru loko va huma eEgipta. Ya hari Layiti ya liya yi nga hlangana na Paul a ri endleleni yo ya eDamaska. Nakona Yi taya emahlweni ni ku rhangela xihlangi lexi loko a ya vitana Mutekiwa wa Kreste loyi a humaka emisaveni. Layiti yaleyo a hi swin’wana handle ka Ntsumi ya Hosi, yi nga Langavi ra Ndzilo; nakona Yi tlhele yi humelela nakambe eka munhu.

Nakona kwalahaya endzeni, eka xikhukhwana lexi xa timhandi, hi mixo walowo wa Dzivamisoko hi ti 6, sungukati u pfurile festere leswaku ku vonakala ku nga ha nghena ku pfumelela Manana na Papa ku vona leswaku ndzi njhani. Hiloko Layiti ya kwalomu ka sayizi ya xikhegelo yi nghena yi ri karhi yi rhendzeleka hi festere. Yi fika yi rhendzela laha a ndzi ri kona, kutani yi xikela ehansi emubedweni. Vanhu vo hlaya lava a va tshama atintshaveni a va yimile kwalahaya. Va ri karhi va rila.



Ndhawu leyi ku nga tswaleriwa William Branham, Burkesville, KY.

Ximutani xo titsongahata lexi a xi ri eswigangeni swa le dzongeni wa Kentucky, ekusuhi na xidorobani xa Burkesville. Siku a kuri Dzivamisoko 6, 1909. N'wana a ri matevula eka khume ra vona lava a va ha ta tswariwa hi Charles na Ella Branham.

A swi tekanga nkarhi loko Ntsumi ya Hosi yi ta endzela William Branham lontsongo nakambe.

Loko a hari n'wana, Ntsumi yi sungule yi vulavula na yena, yi vula leswaku u ta hanya vutomi bya yena ekusuhi na doroba leri ri vitaniwaka New Albany. U yile endlwini a ya byela manana wa yena hi leswi swa ha ku humelelaka. Tani hi manana un'wana na un'wana, a nga ehleketa ngopfu hi xitorhi xa yena kutani u lo n'wi lata emubedweni a miyeta ku chava ka yena ka vuhlangi. Endzhaku ka malembe mambirhi, ndyangu wa ka vona wu rhurhele eJeffersonville, Indiana, ntsena timayili tingari tingani kusuka exidorobanini xa le dzongeni xa Indiana xa le New Albany.

Nakambe Ntsumi yi tlhele yi vulavula na muprofeta lontsongo endzhaku ka malembe mantsongo. A ri ri siku leri nga miyela ra Ndzhati na ku kufumela ka masana lawa ya tlhaveke eka matluka yo pfumala muhlovo ya ximun'wana. Ndzumulo a yi ri karhi yi khwita-khwita tani hiloko a ha rhwarile mabakiti mambirhi ya mati exindledyanini. Tluka ra xifaki a ri bohiwile ehansi ka xikunwana lexi xi nga vaviseka

leswaku xi nga nghaneli hi thyaka. U tshamile a ti wisela ehansi ka nsinya wo leha lowu tivekaka. Mihloti yi ri karhi yi xiririka kusuka emahlweni ya yena tani hilaha yena a nga vangiki na nkateko: Vanghana va yena a va ri eku tiphineni hi ku phasa tinhlampfi exidanwanini xa kwalaho, kutani yena a ha khomeletiwile hi ku rhwalela mati ya tatana wa yena. Hi xitshuketa, hiloko moyo wu sungula ku hunga ensinyeni lowu a ri hansi ka wona. U surile mihloti a tlakuka a yima hi milenge. A twa mpfumawulo wa matluka wuri karhi wu hunga emoyeni...kambe kuri hava moyo. U langutile ehenhla, nakona kwalomu ka hafu kuya ehenhla eka nsinya lowu wo tiveka swinene, swin'wana a swi ri karhi swi dzudza matluka lawa ya nga oma.

Xikan'we-kan'we hiloko Rito ri vulavula ri ku, "U nga tshuki u nwa kumbe u zaha kumbe u thyakisa mirhi wa wena hi ndlela yin'wana na yin'wana, hikuva ku na ntirho wa wena lowu u nga ta wu endla loko u tava u kurile." Jaha leri nga khoma hi gwitsi ra nkombo wa malembe hi vukhale u cukumetile mabakiti ya yena a tsutsumela eka mana wa kwe.

Kukotisa muprofeta Samuel, Xikwembu nakambe xi vulavurile na n'wana.

Endzhaku ka malembe mantsongo, a ri karhi a tlanga timavula na vamakwavo va yena lava n'wi tlhandlamaka. Ku chava loku ku chavisaka ku ta eka yena. U langutile eNambyeni wa Ohio hiloko a vona biloho ro saseka. Vavanuna va khume ntsevu va wa va fa tani hiloko biloho ra ha tsemekanya nambu. Muprofeta lontsongo u vonile xivono xa yena xo sungula. U byerile manana wa yena, hiloko a xi tsala ehansi xitorhi xa yena. Endzhaku ka malembe yo hlaya, 16 wa vavanuna va wile va fa tani hiloko biloho ra Second Street ri wa a Louisville, Kentucky a ri akiwile ehenhla ka Nambu wa Ohio.

Hosi a yi ri karhi yi n'wi kombisa swivono leswi swa ha tako. Nakona kukotisa vaprofeta loko yena a nga se va kona, swivono a swi tsandzeki.

EMALEMBENI LOKO A HA RI LONTSONGO

Eka vutomi bya yena hinkwabyo, Makwehu Branham a navela kuva emananga. Loko ari eka xiyimo xa 18, u sukile eIndiana a ya etintshaveni to khwaxa tale vupela-dyambu. Ku tshama ka yena a Arizona a ku tekanga nkarhi wo leha loko a ta boheleriwa ku tlhelela endzhaku.

Siku rin'wana ndzi kunguhatile leswaku ndzi kuma ndlela ya ku hambana na ku vitana loku. A ndzi ri karhi ndzi ya evupela-dyambu ku ya tirha laha ku brediwaka tihomu. Vanghana, Xikwembu xi kahle ntsena tani hiloko Xi ri ehandle lahayā tani hi le ka ndzhawu yin'wana na yin'wana. Leswaku mi nga ha vuyeriwa hi ntokoto wa mina. Loko Xi mi vitana, Xi hlamluleni.

Mixo wun'wana wa Ndzhati hi lembe ra 1927, ndzi byerile manana leswaku ndzi ya eka rendzo ro khempa eTunnel Mill, laha ku nga kwalomu ka khume mune wa timayile kusuka eJeffersonville laha a hi tshama kona hi nkarhi walowo. Khale ndzi kunguhatile rendzo ro ya eArizona na vanghana van'wana. Loko Manana a ta ndzi twa nakambe, a ndzi nga ha ri eTunnel Mill kambe a Phoenix, Arizona, ndzi ri karhi ndzi balekela Xikwembu xa Rirhandzu. Vutomi bya laha ku brediwaka tihomu a byi ri kahle xinkadyana, kambe kuvuyé kukula ku dýuhala, kukotisa tindhawu tin'wana to tiphinela kona ta misava. Kambe ndzi nga ha vula lahawani leswaku, a ku Dzunisiwa Xikwembu, leswaku ntokoto wa Yesu a wu ya wukula kahle na vukahle nkarhi hinkwawo nakona a wu kalanga wu dýuhala. Yesu u nyika kurhula loku ku hetisekeke na ku chavelela nkarhi hinkwawo.

Minkarhi hinkwayo loko ndzi twa moya wu ba eka miphayini yo leha. A swi tikomba tani hiloko ndzi nga twa Rito ra Xona ri vitana enhoveni, ri ku, "Adam, u kwihi?" Tinyeleti ti languteka ti ri ekusuhi swinene laha u nga ha titékaka hi mavoko. Xikwembu swi tikomba tani hiloko xi ri ekusuhi.

Xin'we x a kona hi tiko lero i mapatu lawa ya nga emananga. Loko u nga kumeka u humile epatwini, u lahleka ku olova. Swingaleswi minkarhi yo tala vampfhumba loko va vona swiluva nyana swa mananga va huma epatwini va ya swikha. Va rhendzeleka na mananga va hetelela hi ku lahleka nkarhi wun'wana va fa hi torah. Swi tano na le ka ndlela ya Xikreste – Xikwembu xi na hayiweyi. Xi vulavula hi yona eka Esaya, kuavanyisa ka 35. Yi vitaniwa "Hayiweyi yo Rhula." Minkarhi yo tala ku tiphina nyana hi swa misava ka mi koka mi suka eka hayiweyi. Kutani mi lahlekeriwa hi ntokoto wa n'wina na Xikwembu. Emananga loko mi tava mi lahlekile, nkarhi wun'wana ku humelela xifaniso xa tiva ra mati kambe ya ngari kona. Eka vanhu lava va dlayaka hi torha, xifaniso xa tiva ra mati ku tava kuri nambu kumbe damu. Minkarhi yo tala vanhu va swi tsutsumela va ya wela eka swona va ya kuma leswaku vo tihlambela eka sava ro hisa. Nkarhi wun'wana javulosi u mi komba swin'wana leswi a nge i nkarhi wa kahle. Xexo xova xifaniso ntsena, hi swin'wana leswi swi ngariki swa ntiyiso. Loko u swi yingisela u ta kumeka u ri karhi u ti thopela maxangu ehenhla ka nhloko ya wena. U nga n'wi yingiseli, muhlayi la rhandzekaka. Pfumela Yesu loyi a ku nyikaka mati lama ma hanjaka eka lava va nga na ndlala na torha.

Siku rin'wana ndzi kumile papila leri a ri huma ekaya ri ndzi byela leswaku un'wana wa vamakwerhu wa mina wa xinuna u vabya swinene. A ri Edward, loyi a ndzi landzela. Hakunene a ndzi ehleketa leswaku a byi tikanga ngopfu, swingaleswi ndzi pfumela leswaku u ta hola. Kambe madlyambu man'wana endzhaku ka masiku mantsongo loko ndzi huma edorobeni tani hiloko ndzi hundza holo yo dyela kona laha ku brediwaka tihomu, ndzi vonile phepha ehenhla ka tafula. Ndzi ri tekile. Ri hlayekisa xileswi, "Bill, tana haleno emadyelweni yale n'walungwini. Ku na swa nkoka." Endzhaku kaloko ndzi tava ndzi hlayile xipapilana mina na munghana hi yile emadyelweni.

Munhu wo sungula loyi ndzi nga hlangana na yena a ri mukhalabya Lone Star wa rhenja loyi a tirha laha ku brediwaka kona tihomu. Vito ra yena a ri Durfy, kambe a hi n'wi vitana "Pop." A ri na nhlamuselo ya vusiwana exikandzeni xa yena hiloko a ku, "Billy boy, ndzi na mahungu yo biha ya wena." Hi nkarhi walowo foromani u tile a ri karhi a famba. Va ndzi byerile leswaku telegram ya ha ku fika sweswi, yi ndzi byela hi ta rifu ra makwavo wa mina.

Vanghana vo rhandzeka, ndzi tsandzekile ku tshukunyuka. A ri ri rifu ro sungula endyangwini wa ka hina. Kambe ndzi lava kuvula leswaku xo sungula lexi a ndzi xi ehleketa hi leswaku loku kuri a lo tilulamisela ku fa. Tani hiloko ndzi hundzuluka ndzi languta ku tsemakanya rivala ra xitshopani, mihioti yi xiririka emarhameni ya mina. Hilaha ndzi swi tsundzukaka hakona hilaha hi nga hlupheka kun'we loko ha hari swifanyetana ni hilaha a hi tikeriwa hakona.

Hi yile exikolweni hi ri hava swakudya leswi eneleke. Swikunwana a swiri ehandle ka tintanghu nakona a hi fanele hi ambala mabaji hi mafasa ku ya fika enhan'wini hikuva a hi ri hava tihembhe emirini. Ni hilaha ndzi tsundzukaka hakona laha Manana a ri na muvhacha nyana eka xibakitani ti ri swakudya swa ni nhlikanhi. A hi ti dyanga hinkwerhu na vana lavan'wana. A hi nga swikoti ku fikelela swakudya tani hilaha va nga na kona. Minkarhi hinkwayo a hi ta rhetemukela axigangeni hi ya dya kona. Ndzi tsundzuka siku leri a hi ri na muvhacha, hi kale hi ehleketa leswaku kova ku ti tshungula hakunene. Leswaku ndzi va na ntiviso wa leswaku na mina na ti kuma nyana, ndzi humile kunga se fika na nhlikanhi ndzi ya nusa hi voko loko makwenu wa mina a nge se nusa.

Kutani ku yima kwalahaya ndzi langute dyambu loko ri hisa rivala kutani ndzi ehleketa hi swilo leswi hinkwaswo ni ku hlamala loko Xikwembu xi nga n'wi teka xi n'wi yisa endhawini yo antswa. Nakambe Xikwembu xi ndzi vitanile, kambe tani hi ntoloveloo, ndzi ringetile ku lwisana na swona.

Ndzi ti lulamiserile ku vuja ekaya enkosini. Loko Muf. McKinny wa Port Fulton Church, wanuna loyi ntsena a kotsaka tatana wa mina eka mina, loko a tava a chumayerile enkosini wa yena u vule leswaku, "Ku nga hava kuri na van'wana lahawani lava va nga xitiviki Xikwembu, loko swi ri tano, Xi amukeli sweswi." Oho hilaha ndzi nga tshembhisa xiswona a xitulwini, Xikwembu a xi ri ekutirheni nakambe. Eka muhlai, loko Xi vitana, Xi hlamuli.

A ndzi nge swi rivali hilaha Tatana wa xisiwana na Manana va nga ririsa xiswona endzhaku ka nkosi. Ndzi lavile kuja eVupela-dyambu kambe Manana a ndzi kombela swinene leswaku ndzi tshama ndzi hetelele ndzi switwisia ku tshama loko ntsena ndzi nga kuma ntirho. Hi ku hatlisa ndzi vuje ndzi wu kuma ntirho eka Public Service Company ya Indiana.

Kwalomu ka le ndzhaku ka malembé mambirhi loko hi thesta titimara eka xopo ya titimara a Gas Works a New Albany, ndzi hlaseriwile hi gasi kuringana mavhiki yo hlaya ndzi ri karhi ndzi hlupheka hi yona. Ndzi yile eka vadokodela hinkwavo lava a ndzi va tiva. Ndzi nga ku kumi kuntshuxeka. Ndzi xanisiwile hi esidi a khwirini, swi nga vanga hi timhaka ta gasi. A swi ya swi nyanya nkarhi hinkwawo. Ndzi yisiwile eka lava va xipexali a Louisville, Kentucky. Va hetelele hi ku vula leswaku akuri aphendiks ya mina kutani a vula leswaku ndzi fanele ku endliya vuhandzuri. A ndzi swi pfumelanga hikuva a ndzi kalanga ndzi va na xitlhavi etlhelo ka mina. Madokodela ya ku ya ngaka ya nga ha ndzi endli nchumu kufikela laha ndzi vaka na vuhandzuri. Ndzi hetelele hi ku pfumela leswaku ndzi va na byona kambe ematshan'wini ya byona va tirhisile anesthetiki ya ndhawu yaleyo leswaku ndzi nga ha kota ku vona vuhandzuri.

Oho, ndzi lavile un'wana loyi a nga ndzi seketelaka loyi a tivaka Xikwembu. A ndzi pfumela eka xikhongelo kambe ndzi hlulekile ku khongela. Swingaleswi muministara loyi a huma eka First Baptist Church u fambile na mina kuja ekamareni ra vuhandzuri.



Loko va ta ndzi susa etafuleni va ndzi yisa emubedweni wa mina, a ndzi titwa ndzi ya ndzi tsana naku tsana nkarhi hinkwawo. Mbilu ya mina a yi ba hi ku tika. Ndzi twa rifu ri ri eka mina. Ku hefemula ka mina a kuja ku tsana nkarhi hinkwawo. A ndzi switiva leswaku ndzi fikile emakun'wini ya patu ra mina. Oho munghana yima kukondza u fika kualahaya kan'we, kutani u ta ehleketa

hi swilo swotala leswi u nga swi endla. Ndza switiva leswaku a ndzi kalanga ndzi zaha, kunwa kumbe ndzi va na mahanyelo lawa ya nga basangiki kambe a ndzi switiva leswaku a ndzi nga tilulamiselanga ku hlangana na Xikwembu.

Munghana wa mina loko hi leswaku wo va xirho xa kereke yo titimela ximfumo, u ta switiva loko u fika emakumu leswaku a wu tilulamiselanga. Swingaleswi loko sweswo swi ri swona hinkwaswo leswi u switivaka hi Xikwembu xa mina, ndza ku kombela kualahawani leswaku u khizama hi matsolo ya wena u kombela Yesu leswaku a ku nyika ntokoto walowo wa kuva u tswariwa ra vumbirhi, tani hilaha Yena a nga byela Nikodema eka Yohana kuavanyisa ka 3, nakona oho ni hilaha tibele ta ntsako ti nga ta rila hakona. A ku dzunisiwi Vito ra Yena.

Ku vuye kuva na munyama ekamareni rale xibedlhele, tani hilaha ku nga tshama kuva kona enhoveni yo tlhuma. A ndzi kota kutwa moyo loko wu hunga ematlukeni, hambi leswi a swi tikomba kuri ndlela ya kahle yo huma enhoveni. Hakanyingi a wu ta twa ku hefemula ka moyo loko wu hunga ematlukeni, wuri karhi wu ku tshunelela na ku ku tshunelela. Ndzi ehleketa, "Kunene, leri rova rifu leri ri taka ku ta ndzi teka." Oh! moyo wa mina wu fanele ku ya hlangana

na Xikwembu, ndzi ringetile ku khongela kambe ndzi hluleka.

Moya wuya wu tshunelela, wu ya wu rhasa na ku rhasa. Matluka ma zuzeka nakona xikan'we-kan'we, ndzi va ndzi fambilé.

Kwalaho a swi tikomba tani hiloko ndzi tlhela ndzi vuja nakambe ndzi ri jaha leri ri nga ambalangiki swale milengeni, ndzi yimile eka xindledyana xexo xi nga ehansi ka nsinýa walowo. Ndzi twe Rito rona lero ri ngeteri, "U nga tshuki u nwa kumbe ku dzaha." Nakona matluka lawa ndzi nga matwa ya hari wona lawa ya nga hunga eka nsinýa walowo hi siku lero.

Kambe eka lowu nkarhi Rito ri teri, "Ndzi ku vitanile kutani u nga ti." Ri vuyelerile ka nharhu.

Hiloko ndzi ku, "Hosi, loko kuruku hi Wena, ndzi pfumeleri ndzi tlhelela emisaveni nakambe nakona ndzi ta chumayela Evhangeli ya Wena kusukela eka yindlu yin'wana na yin'wana nale tiyinhleni ta switarata. Ndzi ta bujela un'wana na un'wana ha swona!"

Loko xivono lexi xi tava xi hundzile, ndzi titwe ndzi nga antswi. Dokodela wa mina a ha ri kona emuakwini. U tile a ta ndzi vona nakona u hlamarile. U languteki tani hiloko a ehleketa leswaku a ndzi file, hiloko a ku, "A ndzi munhu loyi ndzi yaka ekerekeni, ntirho wa mina wu kahle, kambe ndza switiva leswaku Xikwembu xi endzerile jaha leri." Hikokwalaho ka yini a vule sweswo, a ndzi switivi. Ku hava loyi a nga vula nchumu haswona. Loko a ndzi switive khale leswi ndzi switivaka sweswi, a ndzi tava ndzi pfukile eka mubedwa walowo ndzi ri karhi ndzi Dzunisa hi Vito ra Yena.

Endzhaku ka masiku mantsongo ndzi pfumeleriwile ku tlhelela ekaya kambe a ndza ha vabya nakona ndzi boheleriwile ku ambala tinghilazi emahlwéni ya mina hi xivangelo xa ku tlhava ka layiti. Nhloko ya mina a yi dzinginika loko ndzi tava ndzi langute xin'wana na xin'wana xinkadýana.

Ndzi sungurile ku kamba naku lava Xikwembu. Ndzi

yle eka kerekere yin'wana na yin'wana, ndzi ri karhi ndzi ringeta ku kuma ndhawu yin'wana leyi yi nga na fexeni ya khale ya ku vitana lava va tueke rito. Vusiwana bya kona akuri leswaku a ndzi kumanga na yin'we.

Ndzi ku loko hakunene a ndzi ri Mukreste, a ndzi tava yena hakunene. Muministara loyi a nga ndzi twa loko ndzi vula sweswo a ku, "Sweswi Billy boy, u le ku humeni eka ku endla swihoxo swa wena swa vukhongeri." Ndzi ku loko hi leswaku ndzi tshame ndzi va na vukhongeri, ndzi lava ku byi twa loko byi fika, ntsena tani hilaha vadyondzisiwa va nga swi endla.

Oho a ku dzunisiwi Vito ra Yena. Ekuheteleleni ndzi byi kumile vukhongeri na sweswi ndza hari na byona, nakona hi ku pfuniwa hi Yena, ndzi ta byi hlayisa minkarhi hinkwayo.

Vusiku byin'wana ndzi vile na ndlala ya Xikwembu na ntokoto wa ntiyiso laha ndzi nga huma ndzi ya eka xede ya khale endzhaku ka yindlu ndzi ya ringeta ku khongela. A ndzi nga switivi ku khongela kwalaho kutani hiloko ndzi sungula ku vulavula na Xona tani hiloko ndzi vulavula na un'wana. Xikan'we-kan'we ku ta Layiti axedeni ri fika ri vumba xihambano kutani ku huma Rito exihambanweni ri vulavula na mina hi ririmiri leri a ndzi nga ri twisisi. Hiloko ri vuja ri famba. Ndzi kumeké ndzi bohiwile. Loko miehleketo yi tlhela yi vuja nakambe ndzi khongerile, "Hosi loko hi leswaku hi Wena, ndza kombela vuja u ta tlhela u vulavula na mina nakambe." A ndzi hlaya Bibele ya mina kusukela loko ndzi tava ndzi vuyle ekaya kusuka exibedlhelo nakona ndzi hlayile eka I Yohana 4, "Varhandziwa, mi nga pfumeli eka mimoya hinkwayo, kambe yi ringetenloko yi ri ya Xikwembu."

Ndza switiva leswaku moja wu humelerile eka mina nakona tani hiloko ndza ha khongela wu humelerile nakambe. Kutani a swi tikomba eka mina tani hiloko kuri na gidi ra tipawundi leri ri nga tlakusiwa kusuka emoyeni wa mina. Ndzi tlulerile ehenhla ndzi tsutsumela endlwini nakona a swi tikomba tani hiloko ndzi tsutsuma ndzi ri emoyeni.

Manana u vutisile a ku, "Bill, xana ku humelele yini hi wena?" Ndzi hlamurile leswaku, "A ndzi tivi kambe ndzi na ntijiso wa leswaku ndzi titwa kahle ndzi tlhela ndzi vevuka." A ndzi nga ha tshami nkarhi wo leha endlwini. Ndzi ta fanel a ku huma ndzi ya tsutsuma.

A ndzi switiva leswaku loko Xikwembu xi ndzi lava leswaku ndzi chumayela, Xi ta ndzi horisa. Swingaleswi ndzi yile ekerekene leyi yi pfumelaka eka ntoto na mafurha kutani ndzi hola xikan'we-kan'we. Ndzi swivonile kwalaho leswaku vadyondzisiwa a vari na swin'wana leswi vunyingi bya tiministara vo ka va ngari na swona namuntlha. Vadyondzisiwa va khuvuriwile hi Moya Iwo Kwetsima nakona a va kota ku hanyisa vavabyi niku endla mahlori ya matimba hi Vito ra Yena. Swingaleswi ndzi sungule ku khongelela nkhuvelo wa Moya Iwo Kwetsima nakona ndzi wu kumile.

Siku rin'wana kwalomu ka tinhweti ta ntsevu leti ti nga hundza, Xikwembu xi ndzi nyikile ku navela ka mbilu ya mina. Xi vulavurile na mina xi ri eka Layiti leyikulu, xi ni byela leswaku ndzi ya chumayela ni ku khongelela vavabyi nakona Xi ta hanyisa swi ngari na mhaka ni leswaku vana vuvabyi bya njhani. Ndzi sungurile ku chumayela ni ku endla leswi Xi nga ndzi byela ku swi endla. Oho munghana, a ndzi nge swikoti kusungula ku ku byela hinkwaswo leswi swi nga humelela: Mahlo lawa ya nga voniki ya pfuriwile. Lava va nga kotiki ku famba va famba. Mfukuzani wu tshunguriwile, na mixaka hinkwayo ya mahlori yi endliwile.

Siku rin'wana enkondzweni wa Spring Street, Jeffersonville, Indiana, endzhaku ka mipfuxelelo yimbirhi, a ndzi ri eku khuvuleni ka vanhu va 130. A kuri siku ra Mhawuri ro hisa nakona a kuri na kwalomu ka 3,000 wa vanhu lava a vari kona. A ndza ha lava ku khuvula kwalomu ka munhu wa vu17 loko xikan'we-kan'we ndzi ta twa ku songela kwaloko, ka Rito lerintsongo nakambe ri ku, "Languta ehenhla." Xibakabaka a xi ri na brasi hi siku lero ro hisa ra Mhawuri. A hi ri hava mpfula kuringana kwalomu ka



mvavhiki manharhu. Ndzi twile Rito nakambe, nakambe ra vunharhu ri teri "Languta ehenhla."

Ndzi langutile ehenhla kwalahaya kuta nyeleti leyikulu yo hatima yi huma exibakabakeni, leyi ndzi nga tshama ndzi yi vona ko hlaya kambe a ndzi mi byelanga ha yona. Minkarhi yo tala ndzi byela vanhu hiloko yi humelela nakona vo to hleka va tlhela va ku, "Bill, wo yi anakanya ntsena. Kumbe u va uri eku yi lorheni." Kambe a ku dzunisiwi Xikwembu, eka lowu nkarhi Xi tikombisile xona hi Xoxe xivonakala eka hinkwavo, hikuva ya ndzi tshunelela kufikela laha ndzi tsandzekaka ku vulavula. Endzhaku ka tisekondo tingari-tingani loko ti hundzile a ndzi huwelela nakona vanhu votala a va languta ehenhla kutani va vona nyeleti ntsena yi ri ehenhla ka mina. Van'wana va titivarile loko van'wana va huwelela kutani van'wana va tsutsuma. Kutani nyeleti yi tlhelela endzhaku exibakabakeni nakona ndhawu leyi yi nga yi siya a yi ri kwalomu ka khume ntlanu watifiti hi xikwere nakona ndhawu leyi a yi tshamela ro famba-famba na ku dladlekwa kumbe tani hiloko magandlati ya ri ekuvumbulukeni. A ku vumbekile endhawini xipapani xo basa nakona nyeleti yi nghenile kona eka xipapani lexi.

Tani hi Yohana Mukhuvuri, laha muprofeta a nga tiyisisiwa eka mati ya Nkhuvulo.

Swivono swi yile emahlwени. U byeriwile hi vanghana va yena va vafundhisi leswaku swivono swa yena a swi humi eka Xikwembu. U byeriwe leswaku u hlaseriwa hi moyo lowo biha. Leswi swi n'wi karhate ngopfu. Ndwalo wu vuye wu tika ku wu rhwala, swingaleswi u yile emananga ku ya kuma ku Rhandza ka Xikwembu. U tibohile leswaku u hlambanya kuva a nga tlheli loko a ngari na nhlamulo. A kuri kwalahaya, eka xiyindlwana xa xitlhaka xa timhandzi, laha Ntsumi ya Hosi yi nga n'wi nyika xileriso. Exikarhi ka swilo swin'wana, Ntsumi yi n'wi byelete swilo leswi: "Loko u nga kuma vanhu leswaku va ku pfumela, na ku tshembheka loko u khongela, kuhava lexi xi nga yimaka emahlweni ka swikhongelo swa wena, hambi kuri mfukuzani."

Ku kanakana hinkwako a ku sukile. Sweswi a ri na xileriso ni ku tlhava goza a ya emahlweni hi ku titshembha. Mpfxeleso wa ku hanyisiwa a wu sungurile.

Madzana-dzana ya magidi a ya nghanelerile eka mampfhumba ya Branham. Magidi ya hanyisiwile hi Vito ra Hosi Yesu Kreste. Va evhangeli van'wana tani hi Oral Roberts, T.L. Osborn, na A.A. Allen va landzelerile Makwerhu Branham va tlhela va ya sungula mimpfuxelelo ya vona yo hanyisa vavabyi. Hosi yi nisile minkateko ya Yona kutlula hilaha yi nga tshama yi swi endla. Voko leri ri hanyisaka ra Yesu Kreste nakambe a ri khumbhile vanhu va Yena.

"Nkarhi wun'wana ndzi khavexela mihloti ya ntsako eka nyiko leyi yi nga nyika hi Xikwembu eka kereke ya makwerhu wa hina loyi a rhandzekaka, William Branham, na nyiko ya yena leyo hlawuleka yo horisa. Leyi yova mhaka ya Xikwembu yi endlaka hi ku tlurisia hi xitalo ehenhleni ka hinkwaswo leswi hi nga swi kombelaka kumbe ku swi ehleketa (Vaefesa 3:20), hikuva a ndzi se tshama ndzi swi vona kumbe ku hlaya swin'wana na swin'wana leswi ringanaka na ministri lowu wu hanyisaka wa William Branham."

Muf. F.F. Bosworth, loyi a tivekaka misava hinkwayo hi

vuevhangeli na kuva a ri un'wana wa vatatana lava va nga sungula dinominexini ya Assemblies Of God hambi kuri mpfhumba ra ximasiku lawa ra Pentekostal.

“Eka xikombiso xin'wana, hi hlalerile loko a ha vulavula na wanuna loyi a pavalarile exisangwanini. Ro sungula akuri hava na sayini yo kombisa ku tshukunyuka eka wanuna loyi. Tihlamuselo a titi ti huma eka wansati loyi a yimile hikwala tlheloi, leswaku wanuna loyi a nga fi ntsena hi mfukuzani, nakona a nga twi a nga swikoti ku twa leswi a swivuriwa.

Hiloko Makwerhu Branham a ku swi tava swi ri kahle eka wanuna loyi leswaku a tlhela a twa leswaku a ta kota ku n'wi lerisa kuya hi mahorisele ya mfukuzani. Ku vile na xinkadyana xa xikhongelo. Hiloko xikan'we-kan'we wanuna a kota ku twa! Mihloti leyikulu ya wanuna loyi yi khuluka hi marhama ya yena laha xikandza xa yena madyambu ya lawa hinkwawo a xi nga ha ri na tinhlamuselo to karhi eka xona na kuva xi nga ha tikombisi kutwa kuvava. U yingiserile hi ku enta ka ku navela lokukulu tani hiloko a ha byeriwa hi ku tshuxiwa ka yena eka mfukuzani.”

Muf. Gordon Lindsay, mutsari loyi a hetisekeke, muministara, na kuva a ri musunguri wa Christ For The Nations Institute.

“Makwerhu Branham a ku, ‘The Congressman u hanyisiwile’ Mbilu ya mina yi khana. Ndzi huma ndzi ya amukela Hosi tani hi Muhanisi wa mina. Ndzi vekile etlhelo tinhonga ta mina to famba hi tona...hiloko makorho ya Tilo ya wa!”

William D. Upshaw, US Congressman (1919-1927), muyimela ku hlawuriwa eka Vupresident bya U.S hi 1932. A ri xilema kusukela loko a tava a wile a tshoveka rhambu ra longo loko a hari n'wana. A ri na 84 loko a ta hanyisiwa hi ku hetiseka kusuka eka xikhongelo xa Makwerhu Branham, endzhaku kaloko a tava a vile xilema ku ringana malembe ya 66. A nga ha kalanga a lava xitulu xa mavhilwa kumbe tinhonga to famba hi tona eka vutomi bya yena hinkwabyo.

“Ndzi tlherile ku ringana malembe ya nhungu na tinhweti ta nkaye ni ri na T.B. nakona madokodela a ma ndzi tshikile. Hi ku tika a ndzi tika 50 wa ntiko wa tiphawundi nakona a swi tikomba ku tshembha ku nga hari kona. Kutani kusukela eJeffersonville, Indiana, kutile Muf. WM Branham eka xivono loyi a nga vona xinyimpfana xi phasiwile emananga nakona a xi ri eku rileni a ‘Milltown,’ ku nga laha ndzi tshamaka kona. Makwerhu Branham a nge se tshama a ta kumbe ku tiveka eka un’wana na un’wana lahwani. Loko a nghena, u ndzi tlhandlekile mavoko a ndzi khongelela, a ndzi vitanelela Vito ra Hosi ya hina Yesu loyi a rhandzekaka. Swin’wana a swi twakala swi ndzi khoma nakona xikan’we-kan’we ndzi kumeka ndzi yimile ndzi ri karhi ndzi khensa Xikwembu eka matimba ya Xona yo hanyisa. Sweswi ndzi mutlangi wa piyano eka kereke ya Baptist leyi nga lahwani.”

Georgia Carter, Milltown Indiana, u hanyisiwile eka xivumbeko xa T.B. hi 1940 nakona a nga ha kalanga a xanisiwa hi vuvabyi byebyo evuton’wini bya yena. U yimerile magidi-gidi ya vanhu lava va nga horisiwa eka ministry wa yena nakona va ha hanyisiwile hambi kuri namunlhha.

LANGAVI RA NDZILO

Makwerhu Branham hakanyingi a hlamusela Langavi ra Ndzilo leswaku hi rona ri nga tiyisisa ministri wa yena. A Ri ri kona eku tswariweni kakwe, ri voniwile hi magidi-gidi eribuweni ra Ohio River, nakona switikomba ri n'wi landzelela hinkwako laha a yaka kona. A kuri hi 1950 laha Hosi yi nga nyika havumbirhi vapfumeri ni lava va nga pfumeriki swo fana leswi swi khorwisaka swi ngari swa vunwa swa leswaku Langavi leri ra Ndzilo a ri ri na muprofeta.



Vusiku a byi tsondzeriwile eka ku pfumala swivutiso eSam Houston Coliseum. Makwerhu Branham a rhangerile mpfuxelelo lowu a wu hanyisa lowu a wu kukula tiko. Minkateko ya Hosi Yesu a yi halaka kukotisa mpfula ehenhleni ka masimu ya ximoya ya koroni. Kambe masingita lamakulu na swihlamariso a swi ti kungari na swisolo. Switano minkarhi hinkwayo, nala wa pfuka loyi a nga mukaneti. Matimba lawa mambirhi ya hlanganile

eHouston Texas, na Ntsumi ya Hosi yona hi Yoxe yi xikerile ehansi ku ta lwa nyimpi.

Magidi a ma ri kona ku ta mbhonyiela mahlori lawa ya nga hlayekiki lawa a ya landzela wanuna loyi wa Xikwembu. Loko ka hari ni mixo esikwini, ntlawa wa vaministara va lokhali va ntlhotlhile muprofeta leswaku va phikizana hi ku hanyisa loko Kwetsima, kambe nthontlo wu wele eka munghana wo tshembheka wa mudyuharhi wa muprofeta a nga, Mufundhisi F.F. Bosworth. Votala a vari vasoli va vukhongeri lava a va nyikiwile xitiya nhlana hi muministara wa Baptist wa lokhali ni kuva va sola ku hanyisa loko Kwetsima hi marito ya vona. Mphikizano lowu a wu ta wu pfutele eka maphepha hungu, laha ma nga hatla ma hangalasa tinhloko ta mahungu leswaku, "Voya Bya Vukhongeri Byi Tava Byi Ri Karhi Byi Haha Hi 7p.m. Namuntlha E Sam Houston Coliseum."

Vasori va vukhongeri va hayarile mufodi wa swinepe wa profexini, Ted Kipperman wa Douglas Studios, leswaku a ta tsala

mpikizano. Madyambu ya lawa, swifaniso swi tekile Makwerhu Bosworth a yime ximanguva lawa tani hiloko vasoli va vukhongeri va nghenile va fika va chavisela hi swiyimo swa vona; i nkarhi wun'we na rintiho ra yena leri ri nga susumeteriwela exikandzeni xa mukhalabya wo titsongahata.

Loko mphikizano wu tava wu sungurile, Mufundhisi Bosworth hi ku hatlisa u khorwisile ku tshembheka ka ku hanyisiwa loko Kwetsima hi vumbhoni bya Xitsalwa kwalaho, ku sala kuri hava xivutiso, u komberile hinkwavo lava va nga hanyisiwa eka vugono bya vona leswaku va yima. Magidi ya yimile hi milenge ya vona. Endzhaku ka vona lava va nga hanyisiwa loko va tava va tshamile, u vutisile loko hinkwavo lava va nga hanyisiwa hi ku hanyisiwa loko Kwetsima loko va ri swirho leswi swi nga yima kahle na dinominexini ya wanuna loyi leswaku va nga yima. Swirho swa madzana manharhu swa kereke swi yimile hi ku tinyungubyisa swi ri karhi swi kombisa tintswalo leti Hosi Yesu a nga va komba tonia.

Ntlhontlho wu tile wu huma eka vasoli va vukhongeri. "Mi nge muhanyisi yaloye wo Kwetsima a ta haleno emahlweni. A hi n'wi pfumeleleni a swi endla". Makwerhu Bosworth u swi veke kahle erivaleni leswaku Yesu hi yena ntsena a nga Muhanyisi la Kwetsimaka, kambe xikombelo xa vasoli va vukhongeri xi yile emahlweni. Ekuheteleleni, Makwerhu Bosworth u rhambile Makwerhu Branham leswaku a ta eka platifomo. U amukerile xirhambo lexi a xi heleketiwa hi ku huwelela ka ku n'wi sapota.

Muprofeta, u tatiwile hi Moya lowo Kwetsima, a nyika tinhlamulo leti ti landzelaka:

A ndzi nge swikoti ku hanýisa na un'we. Ndzi vula tano. Loko ndza ha ri n'wana ndzi tswaleriwile eState of Kentucky, ku ya hi manana wa mina loyi a rhandzekaka, nakona loyi a nga swi tiyisisa eka vutomi bya mina, ku vile na Layiti leyi nga ta eka kamara lero ro thopiwa kunene ra khale lahaya, laha a ri ri kona, kuri hava semendhe ehansi, leri a ri ri hava na festere, a vari na lexi ntsongo xa xikhale kuva festere kwalahaaya, tani hi xivantana, nakona a va xisusumeta hikwalomu ka awara ya ntlhanu na mixo, nakona Layiti leyi yi fika yi endla xirhendzevutani tani hiloko yi tshova siku. Kusukela nkarhi walowo, Ri tshama na mina. Ri Ntsumi ya Xikwembu. Yi hlanganile na mina yi ri hi ximunhu eka malembe mantsongo lawa ya nga hundza. Kusukela



ehansi ku famba na vutomi bya mina, Yi ndzi byerile swilo leswi a swi humelela, nakona ndzi va byerile tani hilaha A nga ndzi byela hakona. Nakona ndzi tlhontlha un'wana na un'wana eka ndhawu yin'wana na yin'wana, leswaku a ya edorobeni leri ndzi nga kuriseriwela kona, kumbe ku'wana, leswaku xitatimendhe xi tshame xi endliya hi Vito ra Hosi, kambe leswi swi te ntsena hi leswi swi nga vurisiwa xiswona leswaku swi tava tano.

Endzhaku kaloko a vurile marito lawa, Moya lowo Kwetsima wu wela eka platifomo, kutani mufodi wa swifaniso loyi a nyanyukile a foda xifaniso. Makwerhu Branham a sukela platifomo na sampulo, hambi swi ri tano na xitatimendhe xa vuprofeta lexi nge: “*Xikwembu hi xona xi nga ta mbhoniyela. A ndzi nga ha vuli nchumu.*”

Munghana wa Nkul. Kipperman hi ku hatlisa u yile a ya tirha ku hlantswa swinepe swa mahungu ya mixo lowu a wu landzela. U lemukile xin'wana lexi a xi nga twisiseki tani hiloko a ha humesa xifaniso xo sungula eku nhlantswiweni. Xona, kukotisa swifaniso swa ntlanhu leswi a swi landzela, a swi ngari na nchumu. U ombile mbilu ya yena a wa hi mombo loko a ta humesa xifaniso xo hetelela eku hlantswiweni. Kwalahaya, eka xifaniso xexo xo hetelela, a xi ri na Langavi ra Ndzilo hi xivumbeko lexi xi vonakaka ri wisile ehenhla ka nhloko ya muprofeta wa Xikwembu, William Marrion Branham.

Vana va Israel va mbhoniyerile hi ta Langavi ra Ndzilo leri a ri rhangela Muxe, na vanhu va siku ra ximanguva lawa va mbhoniyela Langavi ra Ndzilo ro fana ni leri a ri rhangela muprofeta un'wana.

Mufodi hi ku hatlisa u hundzukele eka George J. Lacy, Mukamberi wa Profexini wa Swivutiso swa Tidokhumente ta U.S. F.B.I., loyi a nga tshembha xifaniso na hi miehleketo leyi yi nga leteriwa. Dokhumente ya profexeni leyi yi nga humesiwa hi Nkul. Lacy yi le ka papila leri ri landzelaka.

Leswi swi humelele khale ku nga siva na tikhomputer kumbe tikhamera ta tidigital, nakona a swi nga ta hlamuseleka hi maendlelo wahi kumbe wahi lawa ya tivekaka eka sayense, kutlula loko kuri na Layiti ya kona ehenhla ka nhloko ya William Branham. Namuntlha xifaniso xexo xi nga ha voniwa eka United States Library Of Congress, entsindza wa tiko, Washington D C.

George J. Lacy
Mukamberi wa Tidokhumente Leti Nga Na Swivutiso
Shell Building
Houston, Texas

Sunguti 29, 1950

XIVIKO NA MAVONELO

Ku vutisisa hi Mindzhuti

Hi Sunguti 28, 1950 eka xikombelo xa Mufundhisi Gordon Lindsay, loyi a yimela Mufundhisi William Branham wa Jeffersonville, Indiana, ndzi amukerile kusuka eka Douglas Studios wa 1610 Rusk Avenue eka rona doroba leri, 4x5 wa ti inci lexi xi nga humesiwa ni ku hlantswiwa kusuka eka filimi yo foda hi yona. Filimi leyi yi seketeriwile niku endliwa hi Douglas Studios ya Mufundhisi William Branham eSam Houston Coliseum edorobeni rona leri, hi nkarhi lowu a nga endza hi wona lahwani eka xiphemu lexi xi nga hundza xa Sunguti, 1950.

XIKOMBELO

Mufundhisi Lindsay u komberile leswaku ndzi endla xikombelo xa xisayense xo kombela ndzhuti lowu wu nga vuriwa. U komberile leswaku ndzi tshaha, loko swi nga koteke, hambi loko swi ngari kona emiehlekeweni ya mina ndzhuti wu tlhele wu khomiwa kumbe ku "kamberiwa" hi ndlela yin'wana, leyi yi landzelaka ku nhlantswiwa ka filim, loku ku nga vangaka layini yo leha ya layiti leswaku yi humelela hi xiyimo xa xirhendzevutani ehenhla ka Mufundhisi Branham.

XIKAMBELO

Makhroskopiki na ku kambela ka mikhroskopiki na ku dyondza ku endliwile hi le henhla hamatlhelo yari mambirhi ya filimi, leyi a yi ri ya Eastman Kodak Safety Film. Hambirhi bya matlhelo ya filimi ku endliwile ehansi ka ku hlutiwa ka ku foda hi layiti ya ultra-violet na infra-red loku ku nga endliwa hi filimi.

Ku kambela ka mikhroskopiki ku hlulekile ku paluxa ku khomiwa ra vumbirhi ka filimi eka ndhawu yin'wana na yin'wana hambi ku ngava hi maendlelo wahi kumbe wahi lawa ya tirhisiweke eka vutihlamuleri bya ku khumbha nakambe. Nakambe, xikambelo xa mikhroskopiki xi hlulekile ku paluxa vukanganyisi byin'wana na byin'wana bya swihalaki swa masi na oyili endzeni kumbe ku rhendzeleka hi layini yo lala ya layiti leyti yi nga na xivutiso.

Ku kamberiwa ka layiti ya ultra-violet ku hlulekile ku paluxa mhaka yihi kumbe yihi yimbe, kumbe kuri hi mbuyelo wa khemikhali yihi kumbe yihi ya rhiekixini eka tlhelo lerin'wana ra ndzhuti, lowu wu nga ha vangaka layini ya layiti, leyti yi nga xita-ndzhaku eka ku hlantswiwa ka ndzhuti.

Ku foda ka infra-red nakona ku hlulekile ku susa xin'wana na xin'wana lexi xi nga kombisaka leswaku ku khumbhiwa ra vumbirhi ku endliwile eka filimi.

Xikambelo nakambe xi hlulekile ku paluxa xin'wana na xin'wana lexi xi nga kombisaka leswaku xivutiso xa ndzhuti a xi ri lexi xi nga endliya hi swiave swo tala swa ndzhuti kumbe ndzhuti lowu wu nga humesiwa hakambirhi.

A kuri hava lexi xi nga kumeka lexi xi nga kombisaka leswaku layini yaleyo ya layiti yi nga xivutiso yi endliwile hi nkarhi wa ku hlantswiwa. Hambi kuri na nchumu wun'wana kumbe wun'wana lowu wu nga kombisaka leswaku a wu hlantswiwanga hi ntolovel na hi maendlelo lawa ya nga tekeriwela enhlokweni. Kuhava nchumu lowu wu nga kumeka eka maendlelo ya tidensity ya ku kombisa leswaku a yi ngari eka ntwanano.

M A V O N E L O

Ku kongomisa eka xikambelo lexi xi nga laha ehenhla xi nga hlamusetiwa ni ku xidyondza ndzi wa mavonelo lawa ya hlamuselaka leswaku ndzhuti wu yisiwile wu ya kamberiwa, a wu khumbhiwanga kambirhi kumbe wu endliya hi swiave swo hambanana kumbe ndzhuti lowu wu nga humesiwa hakambirhi.

Ku ya emahlweni, ndzi wa mavonelo lawa ya hlamuselaka leswaku layini yo leha ya layiti leyti yi humevelaka ehenhla ka nhloko ya hi xirhendzevutani ku vangile hi layiti leyti yi nga ba ndzhuti.

Swi humesiwile ximfumo,

SWIHUNDLA SWI PALUXIWA

Emasunguleni ya ministri wa Makwerhu Branham wu vile erivaleni leswaku mafambiselo ya xidinominexini a ya akiwe leswaku ya kondletela mavandla ya vukhongeri, nakona yi ngari Evhangeli ya ntiyiso. Makwerhu Branham a pfumela Bibele Rito hi Rito, nakona a nga xaveleli, hambi loko swivuriwa hi vaaka tiko lava nga dumangiki kusuka eka vatirhi kun'we, vanghana, kumbe ndyangu.

Loko a hari xirho xa Missionary Baptist Church, u byeriwile ku veka vavasati va tiministara. Hambi leswi, a tiva Matsalwa hinkwawo kahle. I Timotiya 2:12 yi ri erivaleni, “*Kambe a ndzi pfumeleli wansati ku dyondzisa, kumbe ku lerisa ehenhleni ka wanuna, kambe a miyeli,*” na I Vakorinto 14:34 yi ri, “*Mi nge vavasati va n'wina a va miyeli a tikerekeni: hikuva a swi pfumeleriwanga eka vona ku vulavula...*” Leswi a swi ngari nchumu ku lwisana na vavasati, kambe Bibele i ya ntima na ko basa eka mhaka. Loko mhaka yo hetelela yi nyikiwile, a nga ta swikota ku xavelela swingaleswi u fambile a sukela kereke.

Yalawa a hi Matsalwa ya ri woxe lawa ya nga tsan'wiwa hi ku hetiseka hi tidinominexini. Hosi yi paluxile ntiyiso hi nkhuvulo eka Makwerhu Branham. Xana Yesu a ta lerisia ku yini leswaku, “*Fambani hakona, mi ya dyondzisa matiko hinkwawo, mi va khuvula hi vito ra Tatana, na ra N'wana, na ra Moya lowo Kwetsima,*” hambi swi ri tano nkhuvulo wun'wana na wun'wana lowu wu nga a Bibeleni wu hi Vito ra Yesu? Muapostola Petro u lerisile eka Mintirho 2:38 leswaku ***hundzukani mi khuvuriwa hi Vito ra Yesu Kreste.*** Matsalwa ma tirha eka ntwanano lowu wu nga hetiseka, kambe swi teka muprofeta ku paluxa xihundla lexi: “Tatana” a hi vito, “N’wana” a hi vito, na “Moya lowo Kwetsima” a hi vito. Ntsena tani hi wanuna a ri un’we i va ari tatana wa vana va yena, n’wana wa vatswari va yena, na kuva a ri makwenu eka va sivara va yena, hambi swi ri tano vito ra yena a hi “tatana,” “n’wana,” kumbe “makwenu.” Tatana,

N'wana, na Moya lowo Kwetsima i swiyimela-mavito ra Vito ra Yesu Kreste. Matewu 28:19 na Mintirho 2:38 ti fika eka alayimente leyi hetisekeke.

Hambi kuri xidyoho xo sungula eNtangeni wa Eden xi paluxiwile, ku ngari hi ku dya muhandzu, kambe hi swin'wana swa vubihi ku tlula tlhelo leri n'wana. Xana swi nga endlekisa ku yini hi ku dya xiphemu xa muhandzu xikan'we-kan'we swi paluxela Adam na Evha leswaku a va ambalanga? A swikali swi twala no twala. Xana apula ri na ntirho muni na kuva munhu a nga ambalanga xana? Muprofeta wa Xikwembu u vekile swilo leswi erivaleni a paluxa xihundla lexi.

Xana i va mani lava tintsumi a ti vulavula hi vona eka Nhlavutelo kuavanyisa ka 2 na 3? Mavito ya vona ya nga ha twakala ya twala.

I mani mukhandziyi wa xihundla wa hanci ya Nhlavutelo kuavanyisa ka 6? Va na nchumu wun'we lowu wu nga un'we.

Xana United States ri kale ri vuriwa eka Buku ya Nhlavutelo xana?

Xana i va mani va 144, 000 lava va nga ponisiwa eka kuavanyisa ka 7?

I mani muoswi lonkulu wa ku avanyisa ka vu17? Ku tiveka ka yena na hinkwaswo swihundla leswi swi paluxiwile eka Hungu ra muprofeta loyi wa matimba a nga rhumiwa hi Xikwembu.

A nga endlanga mahlori ntsena lawa ya nga hlayekiki ya nga landza wanuna loyi, kambe swihundla leswi swi nga fihliwa endzeni ka Bibele eka tinguva na swona swi paluxiwile eka ministri wa yena. Swi vile erivaleni leswaku muprofeta loyi u hetisisile Matsalwa yo tala kutlula Malakiya 4.

Nhlavutelo 10:7: Kambe emasikwini ya rito ra ntsumi ya vunkombo, loko yi ta yimba nanga, xihundla xa Xikwembu xi ta hetiseka, tani hilaha xihlambanyeke eka malandza ya xona ya vaprofeta.

Rito rile ku huweleleni eka misava leswaku yi huma eka tidinominexini yi tlhelela endzhaku eka Rito ra Xikwembu lero sungula. Un'wana na un'wana wa hina una nkateko wo fana na wa Petro, Yakob, na Yohana lowu a vari na wona. Hi na nkateko wa ku hlayeriwa na lava ntsongo lava va nga hlawula hi Xikwembu lava va nga taka va nga khinsameli minhlangano ya vukhongeri ya siku leri.

Matsalwa yo Kwetsima ya ni vumbhoni bya vutomi na mintirho ya vavanuna lava nga famba na Xikwembu nakona a vari na ntoto wa Moya wa Xona lowu va nga hlambanya LESWI HOSI YI SWI VULAKA, na marito ya vona ya tiyisisiwile hi masingita lawa ya ngariki ya vunwa na swihlamariso. A vari vaprefeta va Xikwembu, na Rito ra Xikwembu eka rixaka ra vona.

Xana minkarhi yi hambarana sweswi xana kutlula loko va hari kona loko Yesu a ri kona? A vari varhangeri va vukhongeri lava va nga N'wi vamba. Vadyondzisiwa a vo va xinabarana xintsongo exikarhini ka mafambiselo lawa kulu ya vukhongeri. A va nga dumanga va ri nhlayo yintsongo, va hlekuriwa, nakona xikan'we-kan'we a va dlayiwa loko va nga yima va lwisana na xigovana lexikulu xa mafambiselo ya xidinominexini. A hi nge dlayiwi eka ripfumelo ra hina namuntlha, kambe hi ntiyiso wa kona hi va hi ntayiso hi xanisiwile. Kukotisa Vafarisi na Vasaduki, va ngaka va nga ali mahlori lawa a ya landzela ministri wa Makwerhu Branham swingaleswi ya kombela ku pfuniwa eka kuhlaseriwa kun'wana. Mi nga ha switwa leswaku a ri muprefeta wa vunwa, murhangeri wa swa mikhuva, kumbe wo nyanya. Hi ntayiso, a ri munhu loyi a titsongahataka wa Xikwembu loyi a yima a nga ninginiki a lwisana na vulawuri byo yimisa lebyi tidinominexini na mikhuva a swi ri eka vanhu va Xikwembu. Va hlaserile Yesu hi ndlela yo fana loko Yena a tava a yimile a lwisana na milawu ya vona ya tikereke na mindzhavuko.

Xikwembu xi xiximile Makwerhu Branham eka ku navela ka yena ku pfumela Rito rin'wana na rin'wana a Bibeleni, nakona Xi le ku tirhiseni ka ministri wa yena ku rhangela

mamiliyon i ya mimoya yi ya eka Yesu Kreste. Namunthla, Rito ra Ntsumi ya Vunkombo ri le ku twakaleni ri rhasa tani hilaha Ri nga tshama ri va hakona. Kwalomu ka mamiliyon i mambirhi ku rhendzeleka hi misava va pfumela eka Hungu ra Makwerhu Branham. Leyi yi nga hava yi ri xinhlayani lexi ntsongo swinene eka mabiliyon i mambirhi ya lava va tivulaka Vakreste, kambe loko vanhu va Xikwembu vona va ngari nhlayo leyi ntsongo xana?

Hi na yo tlula 1,200 wa minchumayelo leyi yi nga kandziyisiwa leyi yi nga na Rito leri ri nga profetiwa leswaku ri ta ta eka Nhlavutelo 10:7. Nchumayelo wun'wana na wun'wana wu khiyunula swihundla swa Xikwembu. Rito lero ra kumeka eka n'wina loko mi swi tsakela ku Ri yingisela.

KU HLAWULA KULE KA N'WINA

Kungari xinkadyana xin'we kuva ndzi tisa hungu eka vanhu lava va nga ndzi landzelaka, kumbe ku joyina kereke ya mina, kumbe ku sungula xinakulobye xin'wana na nhlangano. A ndzi swi endlanga sweswo nakona a ndzi nge swi endli sweswo sweswi. A ndzi na ku navela eka swilo leswi, kambe ndzi na ku navela eka swilo swa Xikwembu na vanhu, nakona ntsena loko ndzi nga hetisia nchumu wun'we ndzi tava ndzi ringanerile. Nchumu walowo wun'we i ku vona ku tumbuluke xinakulobye xa ntiyiso xa ximoya exikarhi ka Xikwembu na vanhu, laha vanhu va vaka swivumbiwa leswintshwa eka Kreste, swi tatiwile hi Moya wa Xona ni ku hanya kuya hi Rito ra Xona. Ndzi ta rhamba, ndzi kombela ni ku tshinya hinkwavo leswaku va yingisela rito ra Yena eka lowu nkarhi, ni ku yimisela vutomi bya n'wina ehenhla hi ku hetiseka eka Yena, hambi loko ndzi tshembha embilwini ya mina leswaku ndzi nyikile hinkwaswo eka Yena. Xikwembu a xi mi katekisi, nakona i ngaku ku vuya ka Yena ku nga tsakisa timbilu ta n'wina.

Muf. William Marrion Branham

MIKONGOMISO

(YESU KRESTE I XIKWEMBU (VUKWEMBU BYA XIKWEMBU))

EKSODA 20:3	U nga tshuki u va na swikwembu swin'wana emahlweni ka mina.
ESAYA 9:6	Hikuva hi velekeriwe n'wana, hi nyikiwile n'wana wa wandisanyana; vuhosy i vekiwile katleni ra yena; u ta thyiwa Muhlamarisi, Mutsundzuxi, Xikwembu xa matimba, Tatana la nga riki na ku hela, Hosi ya ku Rhula.
MATEWU 1:23	Maswivo, wanhwana u ta tika nyimba, u ta veleka n'wana wa wandisanyana, vito ra yena u ta thyiwa Emanuel, loko va hlamusela hi leswaku, Xikwembu xi na hina.
YOHANA 1:1	Ekusungulen'i Rito a ri ri kona, nakona Rito a ri ri na Xikwembu, nakona Rito a ri ri Xikwembu.
YOHANA 1:14	Kutani Rito ri endliwise nyama, ri akile xikarhi ka hina, (kambe hi hlalele ku vangama ka rona, ku nga ku vangama ka N'wana la nga swakwe la humaka eka Tatana,) a tele tintswalo na vunene.
YOHANA 4:24	Xikwembu i Moya; lava xi gandzelaka va fanele ku xi gandzela hi moya na ntiyiso.
YOHANA 5:43	Ndzi tile hi vito ra Tatana, kutani a mi ndzi amukeri; kungaku loko un'wana a ta hi vito ra yena, mi ta n'wi amukela.
YOHANA 8:19	Kwalaho va ku ka yena, Tatana wa wena u kwihi? Yesu a hlamula a ku, A mi ndzi tivi, a mi tivi na Tatana, loko ngi ma ndzi tiva, a mi ta tiva na Tatana.
YOHANA 10:30	Mina na Tatana wa mina hi un'we.
YOHANA 12:45	Kutani la ndzi hlalelaka, u hlalela la ndzi rhumeke.
YOHANA 14:8-9	Filipi a ku ka yena, Hosi, hi kombe Tatana, swi tava swi ringene eka hina. Yesu a ku ka yena, Ndzi tshamile na n'wina khale swonghasi, kasi a wu ndzi tivanga, Filipi? la ndzi voneke u vonile Tatana, kwalaho u vurisa ku yini loko u ku, Hi kombe Tatana?
YOHANA 20:28	Thomas a hlamula a ku ka yena, Hosi ya nga na Xikwembu xa nga.
MINTIRHO 2:36	Hikwalaho yindlu hinkwayo ya Israel yi fanele ku tiva swinene, leswaku Xikwembu xi n'wi endle Hosi na Kreste, Yesu loyi mi n'wi vambeke.
MINTIRHO 9:4-5	Kutani a wa hansi, a twa rito leri nge ka yena, Saul, Saul, u ndzi xanisela yini? Kutani a ku, U mani, Hosi? Hosi yi ku, Hi mina Yesu loyi u n'wi xanisaka, swa nononhwa ka wena ku khadlanya risungunu.
VAEFESA 4:5	Ku ni Hosi yin'we, ni ku pfumela kun'we, ni ku khuvuriwa kun'we,
VAKOL 1:13-17	Kutani u hi humesile matimbeni ya munyama, a hi nghenisa ekufumeni ka N'wana wa yena la rhandziwaka, yoloyi hi nga ni ku kutsuriwa ha yena, ku nga ku rivaleriwa ka swidyo, Hi yena a nga xifaniso xa Xikwembu lexi nga voniwiki, matevula ya hinkwaswo leswi nga endliwi; Hikuva swilo hinkwaswo swi tumbuluxiwile ha yena, leswi nga matilweni, ni la misaveni, leswi voniwicka ni leswi nga voniwiki, na swiluvelo, na vuhosy, na tindhuna, na vafumi; hinkwaswo swi tumbuluxiwile hi yena, kambe swi endleriwe yena; hi yena la nge mahlweni ka swilo hinkwaswo, kutani hinkwaswo swi yimisiwe hi yena.

VAKOL 2:6-9	Kutani sweswi kukota leswi mi amukeleke Hosi Yesu Kreste, fambisani xisweswo eka yena; mi ri karhi mi dzima timintsu ka yena, mi va mi akiwa eka yena mi tiya eku pfumeleni, hilaha mi dyondzisiweke hakona, mi ri karhi mi kulela kona mi ri ni ku khensa. Tilanguteleni leswaku munhu a nga tshuki a mi koka hi filosofia ni mavunwa ya swa hava, hi ku landzelela mikhova ya vanhu, ni timhaka ta vanhu ni timhaka to rhanga ta misava, ku ngari ha Kreste. Hikuva ku tala ka Vukwembu hinkwabyo ku akile ka yena hi miri.
VAHEVERU 13:8	Yesu Kreste i un'we, hambi tolo, hambi namuntlha, ni hilaha ku nga heriki.
I YOHANA 5:7	Hikuva timbhoni ti kona ti nga tinharhu etilweni, Tatana, Rito, na Moya Iowo Kwetsima; leswi swinharhu i xin'we.
NHLAVU 1:8	Hi mina Alfa na Omega, kusungula na ku hela, kuvula Hosi, loyi a nga kona, loyi a nga na a ri kona, loyi a taka, La nga ni matimba hinkwawo.

(NKHUVULO WA MATI)

MATEWU 28:19	Yanani hakona, mi ya dyondzisa vamatiko hinkwawo, mi va khuvula hi vito ra Tatana, ni ra N'wana, ni ra Moya Iowo Kwetsima:
MARKA 16:16	La nga ta pfumela kutani a khuvuriwa u ta hlayiseka; kambe la nga pfumeriki u ta avanyisiwa.
MINTIRHO 2:38	Petro a ku ka vona, Hundzukani, kutani un'wana ni un'wana a khuvuriwa hi vito ra Yesu Kreste eku khomeriweni ka swidyo, kutani mi ta amukela nyiko wu nga Moya Iowo Kwetsima.
MINTIRHO 4:12	Kutani a kuna ku hlayiseka ka un'wana: hikuva a kuna vito rimbe ehansi ka matilo leri nyikiweke xikarhi ka vanhu, leri hi fanelaka ku ponisiwa ha rona.
MINTIRHO 8:12	Kambe ku te loko va pfumela ka Filipi loyi a va byelaka Evhangeli ya ku fuma ka Xikwembu, na vito ra Yesu Kreste, vavanuna ni vavasati van'wana va khuvuriwa.
MINTIRHO 19:3-5	A ku ka vona, Mi khuvuriwile hi ku khuvula kwihi-ke? Va ku, Hi ku khuvula ka Yohana. Kutani Paul a ku, kunene Yohana u khuvurile hi ku khuvula ka ku hundzuka, a ri karhi a byela tiko, leswaku va pfumela ka loyi a taka endzhaku ka yena, a nga Yesu Kreste. Kute loko va twa sweswo, va khuvuriwa hi vito ra Hosi Yesu.
VAEFESA 4:5	Ku ni Hosi yin'we, ni ku pfumela kun'we, ni ku khuvuriwa kun'we,
VAKOLOSA 3:17	Kutani leswi mi swi endlaka hambi yi ri yini na yini, hi ku vulavula kumbe hi ku tirha, endlani hinkwaswo hi vito ra Hosi Yesu, mi ri karhi mi nkhensa ha yena eka Xikwembu Tatana.

MIKONGOMISO

VAPROFETA

TIHLAYO 12:6	Kova loko a ku, Yingisa swinene marito ya mina: Loko muprefeta a ri kona exikarhi ka n'wina, mina YEHOVHA ndzi ta tikombisa ka yena hi xivono, ndzi vulavula na yena enorhweni.
DEUT 18:21-22	Kumbe u ta ku embilwini ya wena, Hi ta tivisa ku yini e rito leri YEHOVHA a nga ri vulangiki xana? Kungaku loko muprefeta a vulavula hi vito ra YEHOVHA, loko nchumu lowu wu nga landzeleri, kutani mhaka leyi loko yi nga humeleli, hi rona rito leri YEHOVHA a nga ri vulangiki, e muprefeta u ri virile hi ku tikukumuxa; u ngaka u nga n'wi chavi.
I TIKRO 16:20-22	A mi sukela tikweni rin'wana eku ya tikweni rin'wanyana, ni ku fuma kun'wana eku ya eku fumeni kun'wanyana; A nga pfumelelanga munhu ku va xanisa; ina, a bile tihosи hikwalaho ka vona, A ku, Mi nga khumbhi vaprefeta va mina va ntoto, mi nga vavisi vaprefeta va mina.
TIPISALEMA 105:12-15	Loko va ha ri vantsanana va nga talanga; ina, va ri vantsanana swinene, va ri vaendzi etikweni. Va ri karhi va tsendzeleka ematikweni, ne ku fumeni kun'wana ni ku n'wanyana; A nga pfumelelanga munhu eku va xanisa: ina, a laya tihosи hikwalaho ka vona; A ku; Mi nga khumbeni vahlawuriwa va nga, mi nga tshuki mi endlela vaprefeta va mina swo biha.
AMOS 3:7	Hikuva Hosi XIKWEMBU A nga endli nchumu, a nga si kombisa makungu ya yena eka malandza ya yena va nga vaprefeta.
MALA 4:5	Vonani, Ndzi ta mi rhumela muprefeta Eliya siku ra YEHOVHA ri nga si ta lerikulu leri chavisaka.
LUKA 1:70	Hilaha a nga vulavula hakona hi minkarhi hinkwayo hi milomo ya vaprefeta lavo kwetsima, lava a va tshembhekile misava yi nga seva kona:
LUKA 24:25	Kutani a ku ka vona, Yo vanhu lava nga twisisiki, va timbilu leti hlwelaka ku pfumela hinkwaswo leswi vuriweke hi vaprefeta:
MINTIRHO 7:52	Hi wihi muprefeta loyi vatata wa n'wina va nga n'wi xanisangiki? Va dlele ni lava vuleke ku sungulen iku ta ka Loyer a Lulameke, loyi sweswi mi n'wi xengeke kutani mi hundzukile vadlayi va yena:
MINTIRHO 24:14	Kunene ndzi nga tivula ka wena leswaku, loko yi ri dyondzo leyi va nge hi leyi hambukeke, ndzi tirhela Xikwembu xa vatatana ha yona, ndzi ri karhi ndzi pfumela timhaka hinkwato ta nawu ni leti tsariweke vaprefeteni.
VAEFESA 2:20	Hikuva mi akiwile masungulweni ya vaapostola ni vaprefeta, Yesu Kreste a nga yena ribye ra masungulo ra kona;
VAHEVERU 1:1-2	Xikwembu, xi vulavurile khale na vatatana hi minkarhi leyo tala ni mikhuva leyo tala xi vulavula hi vaprefeta, Kambe sweswi hi masiku walawo ya makumu, xi vulavule na hina hi N'wana wa xona, yoloyi xi n'wi vekeke mudya-ndzhaka wa swilo hinkwaswo, yoloyi kambe xi endleke ha yena hinkwaswo leswi vumbiweke;

MAHLORI/KUHANYISIWA LOKO KWETSIMA

DEUT 26:8	Kutani YEHOVHA u hi humesile Egipta hi xandla xa matimba, ni voko leri tlakukeke, na xichavo lexikulu, ni swikombiso, na mahlori:
VAAVA 6:13	Gideon a ku ka yona: Yo n'wini wa nga, loko ngi YEHOVHA a ri na hina, leswo hinkwaswo a swi ta hi humelerisa ku yini? ma kwihi masingita ya yena hinkwawo lawa vatata wa hina va hi byeleke wona, va ku, xana a hi YEHOVHA la nga hi humesa Egipta? Swewi YEHOVHA u hi fularhele, u hi nyiketile mavokweni ya Vamidian.
PISALEMA 103:3	Hi yena la ku rivalelaka milandzu ya wena hinkwayo; la hanyisaka mavabyi ya wena hinkwawo.
ESAYA 53:5	Kambe yena u tlhavivile hinkwalaho ka swidyooho swa hina, u tlhavivile hikwalaho ka ku hamboloka ka hina; mimpfembeti leyi hi nyikaka ku rhula yi le henhla ka yena; kutani hi tshunguriwa hi timbanga ta yena.
DANIEL 11:32	Kutani hi ku xengetela ka yena u ta tikokela lava tlulaka xinakulobye; kambe tiko ra lava tivaka Xikwembu xa vona ri ta tiya, ri tirha.
MARKA 16:17-18	Hi wona masingita lama nga ta endliya hi lava pfumeleke; va ta hlongola madimona hi vito ra mina; va ta vulavula hi tindzimi letintshwa; Va ta khoma tinyoka; kutani hambi va nga nwa nchumu lowu dlayaka, wu nga ka wu nga va endli nchumu; va ta veka mavoko ehenhla ka lava vabyaka, kutani va ta hanya.
YOHANA 14:12	Va kondza va veka henhla ka lava vabyaka emaduku na tinguvu leti khumbheke miri wa yena, kutani mavabyi masuka, ni mimoya leyo biha yi huma ka vona.
MINTIRHO 19:12	Va kondza va veka henhla ka lava vabyaka emaduku na tinguvu leti khumbheke miri wa yena, kutani mavabyi masuka, ni mimoya leyo biha yi huma ka vona.
I VATESA 1:5	Hikuva evhangeli ya hina a yi tanga ka n'wina hi marito ntsena, kambe yi tile hi matima, ni Moya Iwo Kwetsima, ni ku khorwisa lokukulu; hilaha mi tivaka mahanyelo ya hina eka rikwenu hikwalaho ka n'wina.
YAKOB 2:18	Kambe, un'wana a nga ku, U ni ku pfumela, kasi mina ndzi ni mintirho: ndzi kombe ku pfumela ka wena loku nga riki na mintirho, kutani mina ndzi ta ku komba ku pfumela ka mina hi mintirho ya mina.
YAKOB 2:20	Munhu wa swa hava, xana u rhandza ku tiva leswaku ku pfumela loku nga riki na mintirho, a ku pfuni nchumu xana?
YAKOB 5:14-15	Un'wana loko a vabya? a vitani vakulukumba va kereke; kutani va n'wi khongeleta, va ri karhi va n'wi tota hi mafurha hi vito ra Hosi: Kutani ku khongela loku endliwaka hi ku pfumela ku ta hanyisa muvabyi, kutani Hosi yi ta n'wi pfuxa masangwini; kambe kungaku loko a dyohile, u ta rivaleriwa.
YAKOB 5:16	Byelanani ku dyoha ka n'wina, kutani mi khongeletana, leswaku mi ta hola. Hikuva ku khongela ka la lulameke loku endliwaka hi ku hiteka, ku ni matimba lamakulu.
I PETRO 2:24	Hi yena la rhwaleke swidyooho swa hina emirini wa yena exihambanweni, leswaku hi fa hi tlhelo ra swidyooho, kambe hi hanyela ku lulama: loyi kambe mi horisiweke hi mathimbi ya yena.

MIKONGOMISO

MOYA WA ELIYA

II TIHO SI 2:15	Vana va vaprofeta lava ngi va ri Yeriko va langutene na yena, kute loko va n'wi vona va ku, Moya wa Eliya wu tshama eka Elixa. Va ya hlangana na yena, kutani va nkhinsama hansi emahlweni ka yena.
ESAYA 40:3-4	Rito ri huwelela ri ku, lunghisani mananga endlela ya YEHOVHA, khulelani mananga endlela ya Xikwembu xa hina. Nkova wun'wana ni wun'wana wu ta seleteriwa, ntshava yin'wana ni yin'wana ni switsunga swin'wana ni swin'wana swi ta mbundzumuxiwa: Xitsunga xi ta hundzuka rivala, kutani tintshava ti ta hundzuka minkova:
MALAKIYA 3:1	Vonani, ndzi ta rhuma ntsumi ya mina, yi ta lunghisa ndlela emahlweni ka mina: kutani xikan'we Hosi, leyi mi yi lavaka, yi ta nghena etempeleni ya yona, yi nga ntsumi ya ntwanano lowu mi wu navelaka: vonani, wa ta, kuvula YEHOVHA wa mavandala.
MALAKIYA 4:5-6	Vonani, ndzi ta mi rhumela muprofeta Eliya siku ra YEHOVHA ri nga si ta lerikulu leri chavisaka: U ta tlherisela timbilu ta vatatana eka vana va vona, ni timbilu ta vana eka vatata wa vona, leswaku ndzi nga tshuki ndzi ta kutani ndzi ba tiko hi ku ri lovisa.
MATEWU 11:10 (Marka 1:2, Luka 7:27)	Hikuva ku tsariwe ta yena loko va te, Maswivo, ndzi rhume mahlweni ka wena entsumi ya mina, yi ku lunghisela ndlela emahlweni ka wena.
MATEWU 11:14	Kutani loko mi rhandza ku amukela timhaka leti, hi yena Eliya la fanekeleke ku ta.
MATEWU 17:11-12	Yesu a va hlamula a ku ka vona, Kunene Eliya u fanele ku ta, ku ta tlherisela hinkwaswo eku lulameni. Kambe ndzi ri ka n'wina, Eliya u tile, kambe a va n'wi tivanga, kutani va n'wi endlile hinkwaswo leswi va swi rhandzeke. N'wana wa munhu na yena u ta twisiwa ku vaviseka hi vona.
LUKA 1:17	Kutani u ta n'wi rhangela emahlweni hi moyo ni matimba ya Eliya, u ta vuyisela timbilu ta vatatana eka vana va vona, ni vakaneti evutlharni bya lavo lulama; eku lunghisela Hosi etiko leri nga ni mafunda.
LUKA 3:4 (Matewu 3:3, Marka 1:3, Yohana 1:23)	Hilaha ku nga tsariwa ebukwini ya marito ya muprofeta Esaya, a nga te, Rito ra la huwelelaka mananga ri ku, Khulelani ndlela ya Hosi, mi lughisa mintila ya yena.

Vuxoko-xoko byo tala hi ministri wa Mufundhisi William Marrion Branham ni hilaha mi nga yi kumisaka xiswona minchumayelo ya yena, mi komberiwa ku tihlanganisa eka:

www.hungu.info

kumbe

Voice Of God Recordings Inc.
58 Disa Rd., Admiral's Park, Gordon's Bay,
7140 Western Cape, Republic of South Africa
+27 (21) 8563110
www.branham.org

www.hungu.info

XITSONGA
